



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» br. 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» br. 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2019. GODINU NARODNA STRANKA RADOM ZA BOLJITAK

Broj: 03-07-6-245/20
Sarajevo, 30.09.2021. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1 NALAZI	5
5.2 PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Narodne stranke Radom za boljitak za 2019. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2019. godinu, utvrđeno je da je Narodna stranka Radom za boljitak prekršila odredbe člana 4. stav (1), člana 11. stav (1) i člana 12. stav (1) i stav (4) Zakona o finansiranju političkih stranaka

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Narodne stranke Radom za boljitak za 2019. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Narodna stranka Radom za boljitak finansirala se iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	2.326,00	99,96
8.	Prihodi od propagande (3-g)	0,00	0,00
I	Ukupni prihodi (1-8)	2.326,00	100,00
II	Ostali prihodi i drugo	1,00	0,04
	Izvori finansiranja (I+II)	2.327,00	100,00

U godišnjem finansijskom izvještaju stranka je iskazala rashode u ukupnom iznosu od 67.403,63 KM.

2. PREDSTAVLJANJE POLITIČKE STRANKE

Naziv političke stranke: Narodna stranka Radom za boljitak. Skraćeni naziv stranke: Za boljitak.

Stranka je registrovana kod Kantonalnog Suda u Sarajevu, Rješenjem broj: R 30/01 i dopunom Rješenja broj: R-I-8/04 i R-I-5/05 od 28.06.2005. godine. Rješenjem Općinskog suda u Sarajevu broj: 065-0-F1-11-000003 od dana 03.06.2011. godine i Rješenjem Općinskog suda u Širokom Brijegu broj: 064-0-F1-15-000001 od dana 30.12.2015. godine upisana je promjena adrese sjedišta stranke.

Sjedište stranke je u Širokom Brijegu, Dr. Ive Pilara 5.

Lice ovlašteno za predstavljanje i zastupanje stranke je Mladen Ivanović-Lijanović, predsjednik. Lice ovlašteno za podnošenje finansijskih izvještaja za 2019. godinu je Mirjana Šakota.

Prema podacima iz godišnjeg finansijskog izvještaja za 2019. godinu, Narodna stranka Radom za boljitak ima sljedeću organizacionu strukturu:

- Središnji ured stranke,
- 10 kantonalnih odbora,
- 33 općinska odbora i
- 11 regionalnih odbora.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Narodne stranke Radom za boljitak za 2019. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Narodne stranke Radom za boljitak obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju obavila je reviziju i pregled finansijskih izvještaja Narodne stranke Radom za boljitak u periodu od 2005. do 2018. godine, nakon čega su izdati izvještaji o reviziji, odnosno izvještaji o pregledu sa nalazima revizije, mišljenjem revizora i preporukama stranci.

Nakon izvršenog pregleda godišnjeg finansijskog izvještaja za 2018. godinu, Služba za reviziju je izdala Izvještaj o pregledu sa mišljenjem revizora, nalazima revizije i preporukama stranci da svake godine donosi precizan i jasan program utroška sredstava i da finansijska sredstva osigurana za finansiranje političke stranke koristi u skladu sa programom, da poslovne knjige vodi u skladu sa računovodstvenim propisima, odnosno da vodi pravilne evidencije o svojim prihodima i rashodima i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2019. godinu, utvrđeno je da Narodna stranka Radom za boljitak nije ispoštovala preporuke revizije.

5. NALAZI I PREPORUKE

5.1 NALAZI

a) Narodna stranka Radom za boljitak nije postupila u skladu sa odredbama člana 4. stav (1) Zakona o finansiranju političkih stranaka.

Uvidom u finansijski izvještaj stranke utvrđeno je da je stranka u 2019. godini ostvarila ukupne rashode u iznosu od 67.403,63 KM.

Narodna stranka Radom za boljitak dostavila je Centralnoj izbornoj komisiji Bosne i Hercegovine Projekciju prihoda i troškova za 2019. godinu u kojem su planirani ukupni rashodi u iznosu od 124.850,00 KM.

Pregledom finansijskog izvještaja i finansijske dokumentacije, utvrđeno je da je politička stranka sredstva u iznosu od 4.570,00 KM utrošila mimo svoje Projekcije prihoda i troškova za 2019. godinu, kako slijedi:

- Stranka nije planirala Ostale rashode, a iste je ostvarila u iznosu od 70,00 KM, i
- Troškove taksi, novčanih kazni i sl. stranka je ostvarila u iznosu od 4.500,00 KM. Uvidom u Projekciju prihoda i troškova za 2019. godinu utvrđeno je da ovi troškovi nisu planirani.

b) Stranka je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja i dodatne dokumentacije, utvrđeno je da Narodna stranka Radom za boljitak nije uspostavila pravilne i potpune evidencije o svojim prihodima, rashodima i obavezama i nije godišnji finansijski izvještaj popunila u skladu sa odredbama Pravilnika o godišnjim finansijskim izvještajima političkih stranaka (u daljem tekstu: Pravilnik), čime su prekršene odredbe člana 11. stav (1)¹ i člana 12. stav (4) Zakona o finansiranju političkih stranaka.

- (1) Narodna stranka Radom za boljitak u poslovnim knjigama nije evidentirala i u godišnjem finansijskom izvještaju nije iskazala prihode iz budžeta Općine Čelić, čime je prekršila odredbe člana 13. i 19. Pravilnika.

Na osnovu podataka koje je dostavila Općina Čelić, utvrđeno je da su iz budžeta ove općine stranci uplaćena sredstva u iznosu od 1.143,36 KM. Takođe je utvrđeno da je Općina Čelić na osnovu Obavijesti Općinskog odbora Narodne stranke Radom za boljitak Čelić od 08.12.2016. godine, sredstva koja pripadaju Narodnoj stranci Radom za boljitak uplatila na transakcijski račun broj: 5555000015853157.

- (2) Kontrolom troškova knjigovodstvenih usluga utvrđeno je da je stranka troškove po računu za decembar 2018. godine u iznosu od 500,00 KM evidentirala i u godišnjem finansijskom izvještaju iskazala kao troškove 2019. godine. Postupajući na taj način, stranka je ukupne rashode iskazala u većem iznosu za 500,00 KM u odnosu na ostvarene, čime je prekršila odredbe člana 21. i 22. Pravilnika.

Takođe, uvidom u analitički konto 1285-*Ostali avansi* utvrđeno je da stranka ima evidentirana potraživanja u iznosu od 2.845,25 KM, a na kontu 1284-*Avans za nabavu materijala* ima evidentirana potraživanja iz ranijih godina u iznosu od 700,83 KM.

Činjenica da stranka na ovim kontima ima potraživanja, kao i da je na kontu 1285-*Ostali avansi* u toku godine evidentirala avansne uplate, ukazuje da stranka nema pravilne evidencije o svojim obavezama i troškovima.

5.2 PREPORUKE

Preporučuje se Narodnoj stranci Radom za boljitak da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da finansijska sredstva obezbijedena za finansiranje stranke koristi u skladu sa utvrđenim programom utroška sredstava,***
- ***da poslovne knjige vodi u skladu sa računovodstvenim propisima, odnosno da uspostavi pravilne i potpune evidencije o prihodima, rashodima i obavezama i***
- ***da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.***

¹ Politička stranka dužna je voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom.

KOMENTAR:

U ostavljenom roku, Narodna stranka Radom za boljitak dostavila je primjedbe na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2019. godinu. Uz primjedbe stranka je dostavila korigovani obrazac 2 (pregled prometa svih transakcijskih računa političke stranke) godišnjeg finansijskog izvještaja, čime je djelimično otklonila nedostatke u popunjavanju obrazaca.

Narodna stranka Radom za boljitak je uz očitovanje dostavila Rebalans projekcije prihoda i troškova za 2019. godinu. S obzirom da stranka Rebalans projekcije prihoda i troškova za 2019. godinu nije dostavila nakon što ga je usvojila, a što je bila obavezna, isti nije uzet u razmatranje.

Služba za reviziju je uvažila sve argumentovane primjedbe stranke, te je u skladu sa istim korigovala nalaze revizije iz Preliminarnog izvještaja o pregledu godišnjeg finansijskog izvještaja za 2019. godinu.

šef Odsjeka za revizijske poslove, revizor

Sanja Tošović

Pomoćnik revizora

Anela Burdžović Kapić

šef Službe za reviziju

Mr.sc Hasida Gušić